

序

醫爲仁術由來尚矣所貴乎

醫之良者其德仁恕而博愛

其智宣暢而曲解濟世之功

謂與良相等誠慎之也誠難

黃
之也後世業岐黃者各有專
家嬰赤與成人分而爲二余
獨謂真元未散莫如嬰赤而
其最難葆攝亦莫如嬰赤成
人閱歷久則周身疾痛脉脉

自知就其所知參諸診視口

中指下十得八九若嬰赤不

過呻吟號啼而已安所洞見

癥結而治之成人體質具備

六脉可憑猶得察彼盈虛施

吾補泄若嬰赤除按虎口辨

膚色卽朝夕襁褓誠求百端

尚虞咫尺萬里疇云一見已

決矧痘症毒自臟出觸候乃

發雖順逆之數始發可徵而

幹旋之方尤藉人力按圖索
驥旣病於拘牽依樣葫蘆又

失之膠固甚矣其難也俞子

天池博雅士也尤究心於痘

科聞其出就外傳時適里中



黃月
三
延一名痘科至輒從旁聽其

辨論觀其指示罔不心領而

神會焉塾師將施夏楚然卒

弗能禁也蓋其性之所近童

而習之故篤好廼爾嗣後博

涉羣書就正有道自劉河間
錢仲陽而下靡不究其源流

而悉其奧蘊其出而治症也

地無論遠近時無論寒暑以

怵惕入井之心施煅鍊九還

之妙羸穉咸藉之色起晚而
惜其術之無傳也於翁仲仁
金鏡錄加以訓釋復哀輯諸
家參以辨論備載方藥附以
治驗名曰痘科集解付之剞

劖家季駿聲郵書見示屬予
一言以弁簡端予受而讀之

竊嘆其擇焉而精語焉而詳

窮源竟委稽古証今如列諸

掌昔人秘之而天池公之鴛

鴛繡出憑君看不把金針度
與人是書出而金針爲之盡
度矣讀是書者開卷瞭然按
圖索驥可也卽依樣葫蘆亦
無不可夫非保赤之津梁誠

求之善術歟伏見

聖天子御極以來日講求於老安

少懷之治自京師以至各直

省特建育嬰堂令長吏實心

舉行無非欲民無夭扎物無



疵癘俾一世盡登仁壽之域
甚盛心也是書一出可以黼
黻

皇猷贊襄

聖化謂其濟世之功與良相等詎

不信歟天池於是乎不朽矣
是爲序

峕

雍正五年歲次丁未清明前
二日石城黃越拜書於北

黃序

山樓



南京中医药大学图书馆藏

叙

士有本有末，本果立矣，而無所兼於
末，無害於其本也。末之可觀，不必盡
由於本者，亦育之矣。若本之既善，復
於末有所盡心，而顧不能致乎其精，
猶夫人之苟焉以從事，則吾知其必



北京中医药大学图书馆版权所有

無是矣。吾友俞君天池豪傑士也。讀書尚義。以古人自期。許負其才無所用。乃以積居頗致饒給。而性慷慨好施。嘗遇歲祲。斥其貲。買米數百石。爲糜以飼饑者。令近其居三十里內。毋得鬻男女。有輒罰其人。而如所得值。

贖還之故其旁近居人皆以君爲王
仲回連處士之流亞云性好方書而
尤加意於小兒醫謂小兒所患痘症
爲最嘗悉取諸家痘症書究心焉而
得其要領聞人家兒女有危症君輒
自媒往治之或症宜人參而其家不